

Aristoteles (384-322 BC.)

Aristoteles waa uu arday u ahaa Platon, laakiin fikir ka duwan ka Platon ayuu ka aaminsanaa waxa uu dadku yahay. Waxa uu mashquul ku ahaa, inuu aqoon ka helo noolaha oo dhan, waxa kale oo uu xiisaynayay xayawaanka, iyo dhirta. Xiisaha uu u hayey noolaha ayaa saamayn ku yeelatay. Aristoteles waa uu ka fikir duwanaa Platon. Waxa uu aaminsanaa in aanay jirin wax layidhaa aduunka fikirka, laakiin ay jirto qaabab fara badan oo nololaha ah. Aristoteles waxa uu arkay in wax kasta oo dabeecadda ku nooli ay is badalayaan mar kasta. Waxa uu aaminsanaa in isbadalku uu yahay wax wanaagsan, waayo dabeecaddu waxa ay u shaqaynaysaa si wanaagsan.

Aristoteles waxa uu arkay in wax kasta oo dabeeci ahi uu isbadalayo had iyo jeer. Waxa uu yidhi midhaha geedka ee yar marka hore waxay noqdaan midho waawayn waqti ka dib, muraxareeraadkuna waxa uu isku badalaa rah, Wax kasta oo dabiici ahina way isbadalaan ilaa ay ka gaadhayaan yoolkooda. Aristoteles ruuxda wuxu ku tilmaamay habka noole kala duwani u noolyihiin oo u horumarto. Tusaale rahu waa inuu boodo oo ciyo, waa ruuxda raha. Haddii raha baabuur dulmaro, ruuxda iyo jirkuba way baaba,aan, waayo rahu ma boodboodi karo mana ciyi karo.

Aristoteles Waxa uu rumaysnaa qofku waxa uu horumar sameeyaa marka uu isticmaalo caqliga, iyo kartidiisa uu ku fikiro. Markaa qofku wuxu noolyahay nolol fiican. Fayloosoofkani waxa uu hadana aaminsanaa, in dadku kala duwanyihiin, mana uu rumaysnayn dumarka, iyo addoomuhu inay leeyihiin fursadaha ay haystaan ragga xorta ahi.

Aristoteles waxa uu yidhi, qofka raba inuu fraxsanaado, waa in uu isticmaalaa kartidiisa fikir. Waxa uu aaminsanaa dadka macquulka ah iyo kuwa caqliga badani, mar walba waxa ay sameeyaan waxa saxda ah. Waxa ay

